

КОМИ РЕСПУБЛИКАСА КОМИ КЫВ КОМИССИЯЛӨН

2011 вося косму төлысь 25 лун

9 №-а

СЁРНИГИЖӨД

Волісны: Марков В.П., Козулина С.Г., Безносикова Л.М., Карманова А.Н.,
Коснырева Е.Г.

**Видлалісны да сөгласуйтісны Коми Республикаса Оланподувлысь 58 –
63 (н) статьяяс:**

58 статья

Оланпас, коді урчитө либө чорзөдө кывкутөм, кольөм кадыслы оз инмы.

Некод оз кывкут сэтшөмторйысь, кодөс вөчигөн сійө эз лыддыссы инөд торкөмөн. Инөд торкөм бөрын кө сыысь кывкутөмсө бырөдөма либө небзөдөма, вынаөн лоө выль оланпас (*сійө видлавсьө выль оланпас серти*).

59 статья

(2001.10.12 лунся 45-РЗ №-а КР Оланпаслөн редакцияын)

Коми Республика төждысьө аслас олысьяс вөсна, кодъяс кутшөмкө кадколаст олөны республика сайын.

60 статья

Тайө юрпасса гижөдыс лоө мортлөн инөда статуслы подулөн, сійөс позьө вежны сөмын тайө Оланподув шуөм серти.

3 юрпас. КОМИ РЕСПУБЛИКАЛӨН**КАНАЛАН СТАТУС, АДМИНИСТРАТИВНӨЙ ДА МУТАС
ТЭЧАСНОГ****61 статья**

Коми Республикалөн – Россия Федерацияө пырысь канмулөн – статусыс индөма Коми Республикаса Оланподулөн да Россия Федерацияса Оланподулөн.

Коми Республикалысь статуссö позьö вежны федеральнöй оланподувса оланпас серти Россия Федерация да Коми Республика костын сёрнитчöмön.

(мöд юкöныс 2001.10.12 лунся 45-РЗ №-а КР Оланпаслön редакцияын)

62 статья

Коми Республика ас муын кутö канмулысь став власьтсö сийö уджмогъясысь öтдор, кодьяс лоöны Россия Федерацияön сетöм Россия Федерациялön веськöдланторьясön да Россия Федерациялön да Россия Федерацияса субъектьяслön öтувья веськöдланторьясön.

(2000.10.17 лунся 61-РЗ №-а КР Оланпаслön редакцияын)

Россия Федерацияса каналан власьт органьяс да Коми Республикаса каналан власьт органьяс костын веськöдланторьяс да уджмогъяс урчитсьöны Россия Федерацияса Оланподулön, федеральнöй оланпасьясön, веськöдланторьяс да уджмогъяс юклöм йылысь Федеративнöй да мукöд сёрнитчöмön.

(мöд юкöныс 2000.10.17 лунся 61-РЗ №-а КР Оланпаслön редакцияын)

Коми Республика ачыс лöсьöдö войтыркостса да экономикаын ортсыса йитöдьяс, Россия Федерацияса мукöд республикакöд, крайкöд, обласьткöд, ашшöрлуна обласьткöд, ашшöрлуна округкöд сёрнитчöмьяс, тайö кö оз мун Россия Федерацияса Оланподувлы паныд.

63 статья

Россия Федерациялön веськöдланторьяс:

(2000.10.17 лунся 61-РЗ №-а КР Оланпаслön редакцияын)

а) вынсьöдны да вежлавны Россия Федерациялысь Оланподув да федеральнöй оланпасьяс, видзöдны найöс збыльмöдöм бöрся;

б) Россия Федерациялön федеративнöй тэчасног да мутас;

в) урчитны да дорйыны мортлысь да гражданинлысь инöдьяс да вöля; Россия Федерацияса гражданство; урчитны да дорйыны этша лыда войтырсикасыяслысь инöдьяс;

г) лöсьöдны оланпас пыртысь, олöмö пöртысь да ёрд власьтлön федеральнöй органьяслысь тэчас, найöс котыртанног да налысь уджаланног; артмöдны канму власьтлысь федеральнöй органьяс;

д) федеральной каналан эмбур да сыон веськөдлөм;

е) лөсьөдны Россия Федерациялысь каналан, экономическөй, экологическөй, социальнөй, культурнөй да национальнөй сөвмөдан федеральнөй политикалысь подувьяс да федеральнөй уджтасьяс;

ж) өтувья рыноклысь инөда подувьяс лөсьөдөм; сьөмөн, валютаөн, кредитөн, таможня уджөн веськөдлөм, сьөм лэдзөм, дон политика подув; федеральнөй экономика службаяс, тшөтш и федеральнөй банкьяс;

з) федеральнөй сьөмкуд; федеральнөй вот да өктас; дінму сөвмөдан федеральнөй фондьяс;

и) федеральнөй энергетика тэчасьяс, ядернөй энергетика, юксян материальяс (*торпырига юксянторьяс СЛОВАРЬ ФИЗИКА*); федеральнөй транспорт, **йитчан туйяс**, юөртөм да связь; космосын удж;

к) Россия Федерациялөн ортсыса политика да войтыркостса йитөдьяс, Россия Федерациялөн войтыркостса сёрнитчөмьяс; война да миркөд йитчөм могьяс;

л) Россия Федерациялөн экономикаын ортсыса йитөдьяс;

м) дорйысянлун да видзчысянлун; дорйысянторьяс вөчөм-лэдзөм; өружие, боеприпас, военнөй техника да мукөд военнөй эмбур вузаланног да ньөбанног урчитөм; пагөданторьяс, дурмөданторьяс вөчөм да наөн вөдитчанног;

н) Россия Федерацияса каналан суйөрлысь, мутас саридзлысь, сынөдлысь, торьялана экономика зоналысь да континент шельфлысь статус урчитөм да найөс дорйөм;

Комиссияөн веськөдлысь

В.П.Марков

Комиссияөн веськөдлысьөс вежысь

С.Г.Козулина

Кывкутысь секретар

Е.Г.Коснырева